

inn á Húsavík, Atvinnuþróunarfélag Þingeyinga, að auki skulu stéttarfélögin í Þingeyjarsýslum annars vegar og fyrirtæki/stofnanir í Þingeyjarsýslum hins vegar tilnefna einn fulltrúa hvor.

Pá skulu tilnefndir varamenn af eftirtöldum aðilum: Félagasamtökum í Þingeyjarsýslum, Háskólanum á Akureyri og Endurmenntunarstofnun Háskóla Íslands, Húsavíkurbæ, héraðsnefnd Þingeyinga fyrir hönd annarra sveitarfélaga í Þingeyjarsýslum, Framhaldsskólunum á Laugum og á Húsavík (sameiginlega) og stéttarfélagunum í Þingeyjarsýslum.

Fulltrúaráð (varamenn) skal boða til stjórnarfundar, svo sem þurfa þykir, fulltrúaráð hefur þar málfrelsi og tillögurétt.

Stjórnin skiptir með sér verkum og kys sér formann, varaformann og ritara.

Stjórn boðar og undirbýr ársfund með minnst 7 daga fyrirvara. Ársfundur skal haldinn fyrir lok maí ár hvert. Til ársfundar skal boða allt fulltrúaráð (aðalmenn og varamenn) Fræþings, jafnframt skal stofnaðilum tilkynnt um ársfund með tryggilegum hætti og þeim boðið að senda fulltrúa til fundarins. Á ársfundi skal lýsa tilnefningum í stjórn, leggja fram reikninga síðasta árs ásamt ársskýrslu stjórnar. Ársfundur getur ályktað um megináherslur í starfi Fræþings. Stjórn fer með fullt umboð milli ársfunda.

#### 8. gr.

Reikningsár Fræðslumiðstöðvar Þingeyinga er almanaksárið.

Framkvæmdastjóri skal eigi síðar en viku fyrir ársfund leggja fram skýrslu um starfsemi og endurskoðaðan ársreikning liðins starfsárs. Skýrsla um starfsemi ásamt endurskoðuðum ársreikningi skal send fulltrúaráði (stjórn og varastjórn Fræþings) með fundarboði vegna ársfundar.

Reikningar miðstöðvarinnar skulu endurskoðaðir af löggiltum endurskoðanda, sem kosinn er á ársfundi til eins árs í senn. Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næstliðið ár, ásamt skýrslu um hvernig fé miðstöðvarinnar hefur verið ráðstafað á því ári.

*Dóms- og kirkjumálaráðuneytinu, 29. janúar 2004.*

F. h. r.

**Drífa Pálsdóttir.**

*Bryndís Helgadóttir.*

## SAMÞYKKT

### um kattahald í Súðavík.

#### 1. gr.

Samþykkt þessi er gerð til að stuðla að því að eigendur og umráðamenn katta fari vel með ketti og tryggi þeim góða vist og sjái jafnframt til þess að þeir lendi ekki á flækingi. Samþykkt þessi gildir um kattahald í Súðavík en ekki í dreifbýli Súðavíkurhrepps.

#### 2. gr.

Eigendur skulu láta skrá ketti sína á skrifstofu Súðavíkurhrepps á þar til gerð eyðublöð. Allir heimiliskettir skulu bera bjöllu og merkta hálsól þar sem fram kemur nafn eiganda, heimilisfang og símanúmer. Við skráningu skulu kattaeigendur undirrita yfirlýsingu um að

þeir munu í einu og öllu fara með ketti sína eftir fyrirætlum samþykktar þessarar eins og hún er nú og síðar kann að vera breytt.

Til að standa straum af kostnaði hreppsins af skráningu og eftirliti með köttum í Súðavík skal hver kattaeigandi greiða árlegt gjald til sveitarsjóðs eftir gjaldskrá sem bæjarstjórn setur, samkvæmt ákvæðum 25. gr. laga nr. 7/1998 um hollustuhætti og mengunarvarnir, með síðari breytingum. Gjaldið greiðist fyrirfram við skráningu kattarins til næstkomandi októbermánaðar og síðan árlega.

3. gr.

Kattaeigendum er skylt að sjá svo um, að kettir raski ekki ró manna eða verði mönnum til óþæginda. Um skilyrði fyrir kattahaldi í sambýlishúsum fer samkvæmt lögum um fjöl-eignarhús. Kattaeigendur eru ábyrgir fyrir því tjóni sem köttur þeirra sannarlega veldur. For-eltrar eru ábyrgir fyrir köttum ólögráða barna sinna.

4. gr.

Ketti skal ormahreinsa reglulega, minnst einu sinni á ári og skulu eigendur katta halda til haga vottorðum um reglulega ormahreinsun kattarins. Við greiðslu árgjalds ber kattaeigendum að sýna kvittun fyrir greiðslu vottorðs dýralæknis um að köttur hafi verið ormahreinsaður og bólusettur gegn helstu smitsjúkdómum hans.

5. gr.

Ef merktur köttur hverfur frá heimili sínu skal eigandi eða umráðamaður gera ráðstafanir til að finna köttinn. Heilbrigðisnefnd, eða aðili sem hefur sérstakt umboð þess getur látið handsama ketti. Hafi kattarins ekki verið vitjað innan einnar viku skal honum ráðstafað til nýs eiganda eða hann aflifaður.

6. gr.

Sveitarstjórn skal gera ráðstafanir til útrýmingar á ómerktum flækingsköttum. Slíkar aðgerðir skulu auglýstar á áberandi hátt með a.m.k. einnar viku fyrirvara.

7. gr.

Eigendur katta skulu sæta skriflegri áminningu fyrir brot á samþykkt þessari og greiða allan kostnað, er leiðir af brotinu. Sveitarstjórn er heimilt að banna eða afmarka rétt viðkomandi til að halda kött ef fyrir liggja skriflegar kvartanir um ónæði eða hættu sem kötturinn er sannarlega valdur að.

8. gr.

Samþykkt þessi sem samin er og samþykkt af sveitarstjórn Súðavíkurhrepps og gildir í Súðavík staðfestist hér með samkvæmt 25. gr. laga nr. 7/1998 um hollustuhætti og mengunarvarnir til þess að öðlast gildi við birtingu.

*Umhverfisráðuneytinu, 26. janúar 2004.*

F. h. r.

**Ingimar Sigurðsson.**

*Sigurbjörg Sæmundsdóttir.*